

**PRU-13: Pak Lah serah kepada PM**  
**Utusan Online**  
**Februari 09, 2012**

KEPALA BATAS 8 Feb. – Tun Abdullah Ahmad Badawi menyerahkan kepada Perdana Menteri, Datuk Seri Najib Tun Razak untuk memutuskan sama ada beliau akan bertanding mempertahankan kerusi Parlimen Kepala Batas pada Pilihan Raya Umum Ke-13 (PRU-13) nanti.

Menurut Abdullah, terpulang kepada Najib yang juga Pengerusi Barisan Nasional (BN) untuk menentukan perkara itu.

“Saya serah kepada Najib untuk membuat keputusan dan saya tidak mahu komen lebih lanjut kerana semua ini terpulang kepada beliau,” kata bekas Perdana Menteri itu selepas majlis penyerahan Insentif Peningkatan Hasil (IPH) di Pertubuhan Peladang Kawasan (PPK) Penaga, dekat sini hari ini.

Sebelum ini, dua Ahli Dewan Undangan Negeri (ADUN) dalam kawasan Parlimen Kepala Batas iaitu Penaga (Datuk Azhar Ibrahim) dan Bertam (Datuk Zabariah Wahab) mengesahkan tidak akan bertanding pada PRU-13 nanti.

Hakcipta Terpelihara © UTUSAN MELAYU (M) BERHAD

Source:

[http://www.utusan.com.my/utusan/info.asp?y=2012&dt=0209&pub=Utusan\\_Malaysia&sec=Politik&pg=po\\_07.htm](http://www.utusan.com.my/utusan/info.asp?y=2012&dt=0209&pub=Utusan_Malaysia&sec=Politik&pg=po_07.htm)